



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 79. Quid consuetudo, & an quandoque vim legis habeat.

urn:nbn:de:hbz:466:1-42634

in favorem alicujus, & non relictā ipsius arbitrio, uti n. 816. dicetur. 6. Si per potestatem legislativam specialiter ei tribuatur itabilitas, qualem in Societate J E S U habent præcepta Superiorum, uti declaratur in Congreg. VII. Can. X. & Decreto LXVII. vide dicenda n. 878.

§. IV. Lex & præceptum hoc habent commune, 567
quod inducunt obligationem ad hoc ponendum vel
omittendum, quod pro objecto habent, sunt enim
vinculum morale, quo subditus attinetur ad aliquid,
ideoque sunt à Superiore ut tali, uti pluribus expli-
cat Suarez c. 8. & 14., Convenitque etiam hoc legi
permittenti, quæ saltem alios obligat, ne permisum
impediant aut ideo puniant, uti recte Suarez c. 15. n. 12.

§. V. Regula & norma idem significant: per 568
hoc autem differt regula à lege & præcepto, quod de
se non inducat obligationem, nam consilium est re-
gula agendorum, nec tamen obligat, hinc omnis lex
& præceptum est regula, sed non omnis regula est
lex aut præceptum; omnis tamen regula strictè di-
cta intendit positionem actus, cuius est regula, uti
etiam lex & præceptum.

§. VI. Permissio est facultas ponendi vel omit- 569
tendi aliquid: differt à lege, præcepto & regula, quod
non semper intendat vel approbet hoc, quod permit-
titur, Deus enim physicè permittit peccatum, neque
tamen intendit vel approbat: deinde etiam à lege &
præcepto differt, quod non obliget subjectum, cui fit
permisso, sed tantum alios, ne impediatur, vel ne ideo
puniatur.

Q. 79. Quid sit consuetudo, & an quandoque 570
vixim legis habeat. R.

§. I. Consuetudo facti, est repetitio actuum sine
obligatione, uti consuetudo orandi ante mensam.
Consuetudo juris, ab Isidoro & Can. 5. dist. I. defi-

nitur, ius quoddam moribus institutum, quod pro lege suscipitur, cum deficit lex: quia enim, ut ait S. Th. 1. 2. q. 97. a. 3. per exteriores actus multiplicatos interior voluntatis motus & rationis conceptus efficacissime declaratur, hinc quando aliquid multoies fit, videtur ex deliberato rationis iudicio provenire, & se consuetudo re ipsa sit lex communitatis approbantis actus repetitos populi, & inde imponentis obligationem ad actus ejusmodi praestare ponendos. Et cap. 8. de consuetudine dicitur, quod sit optima legum interpres.

571 §. II. Ut consuetudo contra ius clarum sit justa, Luca de benef. d. 30. n. 16. dicit debere esse saltem 40. annorum: si sit praeter ius, sufficient decem, tum enim potius est observantia interpretativa juris antehac dubii, jam clari: & universim ut vim legis obtineat, debet esse continuata saltem per decem annos, & secundum Jus Canonicum, c. fin. de consuet. habere has tres conditiones, 1. Ut sit rationabilis, id est, de re honesta & non perniciose. 2. Ut ille, qui potestatem legislativam habet, consentiat in eam: tum autem censetur consentire, quando sciens, non tantum permittit, sed etiam approbat saltem tacite. Ut fuerit inchoata aut saltem continuata cum voluntate inducendi obligationem, nam in facultatis seu liberis non praescribitur per consuetudinem, Luca d. 58. n. 7. Colligitur autem, quod fuerit voluntas inducendi obligationem, si constanter & cum non levibus incommodis observetur; si omnes pii pessimè sentiant de non observante eam, ut fieret, si quis in diebus Rogationum non abstineret a carnisbus; si Auctores communiter dicant, aut Superioris supponant obligare, ideoque puniant transgressores ita Gobat: Quid autem censendum sit in dubio, dicitur n. 592. & videri potest illis. t. I. d. 2. a. n. 65. & Leur. p. 2. q. 707. §. III.

§. III. Consuetudo habet vim, non tantum interpretandi, sed etiam abrogandi legem, uti habetur §. penult. Instit. de jur. natur. & L., de quibus. 33. in fin., ff. de Legibus: etiam generalem, si consuetudo sit generalis, specialem vero, si consuetudo sit specialis, Glos. in cit. §. penult. L. Venditor, ff. communia praediorum, probantque pluribus suar. c. 17. & seqq. Lessius de just. l. 2.c. 6. d. 14.: quod intelligi debet tantum de lege humana, non autem divina vel naturali, §. sed naturalia, Instit. de jure naturae. Ratio est, quia lex naturae est necessaria & in se indispensabilis; Deus autem, quia in suis legibus non ita communicat nobiscum, quod semel posuit, stabiliter vult; è contrà homines videntes communitatem contravenire suæ legi, censentur potius velle carere bono particulari per suam legem intento, quam exponere tot transgressionibus, etiam contra Deum. Quod si lex aliqua improbet etiam omnem consequentem consuetudinem, nulla valebit consuetudinis præscriptio, nisi circumstantiae ita varientur, ut nihilominus censeatur Superior consentire, Ills. n. 71., qui d. 3. n. 8. recte notat, id, quod per consuetudinem est introductum, non verire in odiofis nomine privilegii, hinc non revocari revocatis privilegiis.

§. IV. Consuetudo non extenditur de loco ad locum, nec de persona ad personam, nec de casu ad casum, uti recte Luca d. 29. n. 23. & d. 30. n. 12. Nec vim habet ex actibus ex metu vel vi frequentatis, aut etiam ex errore, quod esset lex, uti recte Ills. d. 2. n. 67.

Q. 80. An declarationes Cardinalium, Regulae cancellariae, decisiones Rotæ habeant vim legis. R.

§. I. Salas & alii undecim apud Dianam p. 1. tr. 10. R. 29. absolutè dicunt declarationes Cardinali-